

Ci anu pigliatu un figliolu

Ci anu pigliatu un figliolu
Quandi u mare era sirenu
Quandi u sole si pisava
È schjaria a terra corsa.

Ci anu pigliatu un figliolu
È ammantatu di vilenu
A rena induva si svarsava
U so sangue, la so forza.

O lu malabbiatu populu
Quantu pesu à lu to spinu
Quantu lacrime in curona
O lu malabbiatu populu
Ch'ellu senti st'assassinu
I versi di a mio canzona.

Ci anu pigliatu un figliolu
Chi fighjava l'occidente
Tal'è un segnu di partenza
Tal'è un addiu à u mondu.

Ci anu pigliatu un figliolu
Chi sunniava di sumente
É currava la so lenza
Tinutu da lu circondu.

O lu malabbiatu populu
Quantu pesu à lu to spinu
Quantu lacrime in curona
O lu malabbiatu populu
Ch'ellu senti st'assassinu
I versi di a mio canzona.

Quantu pesu à lu to spinu
Quantu lacrime in curona

Quantu oddiu, quantu flagelli
Ch'ellu senti st'assassinu,
I versi di a mio canzona
Apreranu i purtelli.

Quantu lacrime in curona
Quant'oddiu, quantu flagelli
Supurteranu le mente ?
I versi di a mio canzona
Apreranu li purtelli
A e luce nove di l'Oriente.